

安慶府潛山縣志

卷之一

圖考
星野

建置
疆域

奏疏一道



禮部尚書臣哈爾哈齊臣

龔鼎孳左侍郎臣常胤臣

董安國右侍郎臣顧巴西

臣田種玉等為遵 諭條

奏疏

卷之一

一

奏事康熙拾一年柒月初

壹日禮科抄出少師兼太

子太師戶部尚書保和殿

大學士加二級臣衛周祚

奏前事本月初六日奉

旨這應進講書籍知道了餘
着該部議奏欽此欽遵于
柒月拾一日到部除各部
事宜應聽各該部議覆外
該臣等議得保和殿大學

奏疏

卷之二

二

士衡周祥疏稱各省通志
宜如天下山川形勢戶
口丁徭地畝錢糧風俗人
物疆域附要宜彙集成帙
名曰通志誠一代之文獻

也迄今各直省尚未編修
甚屬缺典何以襄我

皇上興隆盛治乎除河南陝

西二省已經前撫臣賈漢

復纂修進呈外請

奏疏

卷之一

三

勅下直隸各省督撫聘集夙

儒名賢接古續今纂輯成

書總發翰林院彙爲

大清一統志等因前來查直

隸各省通志關係一代文

獻除河南陝西二省已經
前撫臣賈漢復纂修進呈
外其餘直隸各省通志請
勅下各省各該督撫詳查山
川形勢戶口丁徭地畝錢

奏疏

卷之一

四

糧風俗人物疆圉險要照
河南陝西通志款式纂輯
成書到部之日送翰林院
爲

大清一統志恭進

睿覽可也等因康熙拾一年
柒月貳拾肆日題本月貳
拾柒日奉

旨依議

奏疏

卷之一

五

潛山縣志序

古者內外史掌邦國四方
之志以志其山川土壤賦
稅畜擾漢班固著地理志
而後人因其體郡各有乘

邑各有載以及稗官野史
皆可名曰志志者史之遺
也故蒐羅掌故比事屬辭
非博通淹雅具良史材而
又弘總經術躬膺民社爲

地方所尸祝者不足以稱
著作備文獻而大一統唐
宋以來輿志郡乘不下數
百家傳者寥寥明成化間
命儒臣纂集一統志雖備
猶有憾

今天子神聖土宇版章將舉
古內外史之職令四方郡
縣纂脩通志進史館備採
擇成一代之大典以考述

職而鏡政治焉惟皖郡爲
江北一大都會而皖伯之
得名肇自潯邑漢武帝祀
潯爲南嶽天柱高峻兒視
諸峯禹貢志地必以山川

則潯固皖之巨邑矣邑舊
有志前鄭侯恪菴脩之時
去草昧未遠踳駁缺畧不
無待于後之作者自我
邑侯周公以楚史倚相之

才擅慈父神君之譽來蒞
茲土十有餘年良法美蹟
悉數之不能終其物其大
者絕奇羨禁苞苴三畏四
知於古無愧立十限之法

以收民租每春夏先徵富
者而緩貧民使民無稱貸
別責之苦力行公槩以均
勞逸省民費以萬計至于

穿渠修河興學履畝墾不

入境獄可生櫓兩岐十奇
未足以盡之也於是政事
之暇博徵儒學諮求故實
取舊志而踵增之凡山浸
賦役土田戶口阨塞物產

謠俗先賢遺蹟以逮貞女
節婦羽釋方伎靡不條分
縷析綱舉目張使覽者得
其厝注之方控馭之畧如
聚米畫沙列脣指掌遵而

守之較若畫一豈徒記載
籍資聞見而已哉夫景純
注山海道元注水經雖文
采奇博非裨實用宋浦江
倪朴著輿地會元志以布

衣力不能傳今此編文學
經術兼擅其長採藻敷政
兩俱裨益以佐

天子采風述職文獻大一統
之治立言天壤將于是乎

徵敝邑雖陋以邑乘而佐
全書鼎鑿裘腋實有榮施
而余先世行畧荷明府網
羅無遺載之簡編亦附以
不朽矣故不敢辭

侯之請而僭序其端

嘗

康熙十有四年龍在乙卯原
任刑科右給事中禮科給
事中前內翰林國史院庶

吉士邑人劉餘謨撰



安慶府潛山縣志

劉序

八

安慶府潛山縣志序

潛志告成

邑侯馳尺一問序于予詩
曰維桑與梓必恭敬止予
潛人也何敢以衰邁鄙陋
自外爰稽潛志

安慶府潛山縣志

張序

清興曾脩于燕山鄭侯時鎮
兵雲集瘡痍未起雖勞良
牧之心然踵事增華間多
飾美具觀之辭蓋志猶史

也非直筆不成史非實錄
不成志歷念餘年山川之
形勢未移也疆域之險要
無異也顧生齒繁衍非若
疇昔彫耗矣原野墾治非

若疇昔藜藿矣惟正供輸
非若疇昔逋負矣風俗淳
朴非若疇昔澆漓矣人文
蔚起非若疇昔零落矣茶
竹桑麻池魚舟楫之利悉

返故主非若疇昔狼吞而
虎噬矣夫此不復彫耗不
復秦蕪不復道負不復澆
漓零落不復狼吞虎噬誰
殫生聚之畧誰尸教訓之

方曰惟我荆南

周侯易直子諒溫文閒雅
茹藥飲水下車首迸狐鼠
日與紳士耆碩究弊稽利
興除以漸且文武交注軍